

5.3 FASIHI (102/3)

Jedwali 5.3: Matokeo ya Karatasi ya 102/3 ya miaka ya 2001 hadi 2004

Mwaka	2001	2002	2003	2004
Alama ya Wastani	34.62	35.76	42.99	37.25
Alama ya Tanganisho	11.72	11.93	13.13	13.18

Jedwali hili laonyesha kuwa matokeo ya karatasi ya 102/3, ijapokuwa yameshuka yakilinganishwa na ya mwaka wa 2003, bado ni mazuri kuliko yale ya miaka ya 2001 na 2002. Kushuka huku kunaweza kuelezwa kwa vile mwaka wa 2004 kulikuwa na vitabu vipya vya fasihi.

Tutachambua maswali ambayo yalionekana kuwatatiza watahiniwa mwaka wa 2004, nayo yalikuwa ni swali la 1 na lile la 7.

Swali 1

Katika *Kitumbua Kimeingia Mchanga* kuna wahusika wanaopingana katika mielekeo yao kuhusu maswala fulani katika jamii yao. Taja makundi matano ya wahusika hao na utoe maelezo kamili kuhusu tofauti zao. (alama 20)

Watahiniwa walitatizika kwa sababu katika swali hili kulikuwa na neno **makundi** na **wahusika**, wakabaki kuemewa vile wangejibu swali hili.

Majibu

- a) Mgogoro wa malezi mabaya - Bi. Haja, Bw. Mambo na Bi. Sikitu
- Bi. Haja na wana wake Bwana Mambo na Bi. Sikitu. Anawaona watoto wasiojua mengi, hawajui kulea vyema.
 - Bi. Sikitu analalamika mama mkwe akiwaingilia sana, yeye na mumewe. Kila mara huwakosoa kuhusu malezi.
 - Anawaonya kuwa mjukuu wake Fikirini ni lazima aoe msichana kutoka familia kufu yao, ijapokuwa wenyewe tayari wanajua haya.
 - Anawaona kama watu wasioweza kuwadhibiti watoto wao katika malezi.
 - Anaona kuwa hawajatambua juu ya uchaguzi wa Fikirini – anataka kumwoa msichana asiye bikira na mchafu wa tabia.
 - Anasisitiza kuwa mchumba wa Fikirini si bikira.